



Tajland Bangkok Koh Phangan Krabi Phuket 17 dana

16. februar 2020. - 3. mart 2020.
17 dana - 14 noći

“ Vodimo vas na nezaboravni odmor i istraživanje različitih dijelova Tajlanda. Najprije uživamo u urbanoj višemilionskoj prijestonici – Bangkoku i najukusnijim tajlandskim specijalitetima. Zatim posjećujemo najljepša ostrva Tajlanda – Koh Phangan i Phuket, sa mogućnošću obilazaka ostrva Kornjača i druženja sa slonovima.

Nezaobilazno je i kupanje na plažama najtraženije turističke destinacije Tajlanda – Krabija.

Čeka Vas neponovljiva sedamnaestodnevna avantura!

”



Jungle Travel d.o.o.
Branilaca Sarajeva 20/I,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

Plan i program

Dan 1: Okupljanje grupe i polazak

Sastanak na aerodromu "Nikola Tesla" u Beogradu dva sata prije leta. Let za Bangkok sa presjedanjem.

Prevoz

Avio karta sa svim taksama na relaciji Beograd – Bangkok, u ekonomskoj klasi

Mesto

Beograd

Dan 2: Dolazak u Bangkok

Slijetanje u Bangkok. Transfer do smještaja. Bangkok - "Grad anđela" - pruža vam potpuno novu dimenziju postojanja, nešto sasvim drugačije od svega što ste do sada doživjeli. Grad nalik New Yorku, upakovan u istočnjačku filozofiju, paprene mirise i drugačiju atmosferu. Veče provodimo u nekom od najpoznatijih nebodera za pogledom na nepregledna svjetla Bangkoka. Zabava i osmokesi do jutra.

Prevoz

Transfer od aerodroma do hotela

Smeštaj

Trang Hotel (1 noć)

Mesto

Bangkok

Dan 3: Fakultativni izlet - obilazak Bangkoka

Dan rezervisan za fakultativni izlet - Kraljevska Palata čija je izgradnja započeta 1782. godine, tokom vladavine kralja Rame I, osnivača Čakri dinastije, a potom postaje kraljevska rezidencija. U okviru Palate smješten je i Hram Smaragdnog Bude, najveća tajlandska svetinja, figura Bude isklesana od zelenog žada. Potom posjećujemo Hram Zore (Wat Arun), Hram Ležećeg Bude (Wat Pho) sa ogromnom statuom dužine 46 metara i visine 15 metara, koja predstavlja prelazak Bude u nirvanu. Na kraju obilazimo Jim Thompson House - kompleks koji se sastoji od 6 tradicionalnih kuća od tikovog drveta, čiji su dijelovi dovoženi iz različitih dijelova Tajlanda. Sve u ovom kompleksu je autentično i odiše duhom i tradicijom Tajlanda. Kućice su okružene baštom i predstavljaju pravu oazu u centru Bangkoka.

Smeštaj

Trang Hotel (1 noć)

Hrana

Kontinentalni doručak × 1

Fakultativni izleti

Obilazak Bangkoka (Bangkok City tour)

Dan 4: Fakultativni izlet - plutajuća pijaca i MaeKlong Train Market

Slobodano vrijeme ili mogućnost odlaska na fakultativni izlet, plutajuća pijaca i most na rijeci Kwai. Iza ne tako poznatog naziva Damnoen Saduak stoji jedna od najpoznatijih atrakcija Tajlanda – plutajuća pijaca. U duhu starih tajlandskih običaja krećući se čamcem kroz zelenkastu vodu polako se približavaju trgovci sa raznolikim ponudama. Jedinstveno iskustvo. Poslije marketa, odlazimo na most na rijeci Kwai. Most koji je bio dio projekta povezivanja postojećih tajlandskih i burmanskih željezničkih linija kako bi se stvorila ruta od Bangkoka do Rangoona u Burmi (danas Myanmar) i time se olakšala japanska okupacija Burme. Popularnosti ovog mosta kod zapadnjaka je dosta doprinjeo filmski klasik "Most na rijeci Kwai" sa Entoni Kvinom u glavnoj ulozi. Povratak u Bangkok.

Smeštaj

Trang Hotel (1 noć)

Hrana

Kontinentalni doručak × 1

Fakultativni izleti

Plutajuća pijaca i MaeKlong Train Market



Jungle Travel d.o.o.
Branilaca Sarajeva 20/I,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

Dan 5: Dolazak na Koh Phangan

Napuštamo smještaj. Transfer do aerodroma i let do Suratanija. Transfer do luke Suratani i ukrcavanje na brod kojim idemo do našeg odredišta - ostrva Koh Phangan. Dolazak na ostrvo u večernjim satima, transfer do smještaja.

Prevoz

Transfer od smještaja do aerodroma
Avio karta sa svim taksama na relaciji Bangkok - Suratani, u ekonomskoj klasi
Prevoz brodom od luke Suratani do Phangana

Smeštaj

Haad Yao Bayview Resort and Spa (1 noć)

Mesto

Ostrvo Phangan (Koh Phangan)

Hrana

Kontinentalni doručak × 1

Dan 6: Slobodan dan za upoznavanje Phangana

Dan za fakultativni izlet i upoznavanje ovog neobičnog i posebnog ostrva – obilazimo uvale, prevlake i unutrašnjost ostrva. Neobične plaže, ljuljaške iznad sitnog pijeska, šareni hladne palme i hladan cijeđeni sok. Dobrodošli u raj! Ostrvo Phangan, čuveno je po Full Moon žurci (Full Moon Party), kao i mnogim sličnim žurkama. Pruža vam se prilika da prisustvujete najboljim i najpoznatijim žurkama na Tajlandu.

Smeštaj

Haad Yao Bayview Resort and Spa (1 noć)

Hrana

Kontinentalni doručak × 1

Dan 7: Fakultativni izlet - ostrvo kornjače Koh Tao

Slobodno vrijeme ili mogućnost fakultativnog izleta na Koh Tao, ostrvo kornjače i penjanje na čuvenu stijenu iznad prevlake koja povezuje dva ostrva. Zelena i plava boja dominiraju nam ispred očiju, a mi uživamo u pogledu. Povratak na Phangan.

Smeštaj

Haad Yao Bayview Resort and Spa (1 noć)

Hrana

Kontinentalni doručak × 1

Fakultativni izleti

Ostrvo Koh Tao i Nang Yuan

Dan 8: Fakultativni izlet - Authentic local adventure

Fakultativni izlet - jahanje slonova (elephant trekking). Imat ćemo prilike da jašemo slonove okruženi nevjerojatnom vegetacijom ovog ostrva. Za one hrabrije i željne avanture mogućnost vožnje zip line-om. Povratak u smještaj.

Smeštaj

Haad Yao Bayview Resort and Spa (1 noć)

Hrana

Kontinentalni doručak × 1

Fakultativni izleti

Druženje sa slonovima

Dan 9: Dolazak na Krabi

Napuštamo smještaj i upućujemo se ka našoj sljedećoj destinaciji – Krabi. Transfer (brod/bus) do smještaja koji se nalazi na Ao Nang plaži. Ao Nang je najpoznatija plaža u provinciji Krabi. Kupanje, masaže, prelijepa plaža, bijeli pijesak, tirkizno, toplo more, fenomenalni zalasci sunca i izleti do obližnjih plaža i ostrva, učinit će da se osjećate kao u raju. Vrijeme rezervirano isključivo za uživanje!

Prevoz

Transfer od smještaja na Phanganu do hotela na Krabiju

Smeštaj

Ananta Burin (1 noć)

Mesto

Krabi

Hrana

Kontinentalni doručak × 1



Jungle Travel d.o.o.
Branilaca Sarajeva 20/I,
71000 Sarajevo

PIB: 4202134850007

MB:

Broj licence:

Tekući račun:

Telefon: 033 552-552

E-mail: kontakt@jungletribe.ba

Sajt: www.jungletribe.ba

Dan 10: Fakultativni izlet - ostrvo Phi Phi

Fakultativni izlet na ostrvo Pi Pi (Koh Phi Phi), na kome je sniman film "Plaža". Egzotični prizori koji potpuno ostavljaju bez daha. Okruženi plavetnilom Maya zaliva (Maya Bay), snorklingom u prozirnoj vodi sa ribicama neobičnih boja, upijamo ljepotu prirode oko nas... Povratak na Krabi u kasnim popodnevним satima. Slobodno vrijeme.

Smeštaj

Ananta Burin (1 noć)

Hrana

Kontinentalni doručak × 1

Fakultativni izleti

Phi Phi ostrva (Koh Phi Phi)

Dan 11: Fakultativni izlet Tager Cave Tempe, Hot springs i Emerald pool

Dan rezervisan za fakultativni izlet gdje obilazimo Tager Cave Temple (Wat Tham Suea), Hot springs i Emerald pool. Kod Tiger Cave Temple slušamo priče o budizmu i kulturnom naslijeđu Tajlanda. Uživamo u najljepšem pogledu na provinciju Krabi. Zatim svraćamo da se osvježimo i okupamo u nekom od dva prirodna bazena u među stijenama. Povratak u smještaj.

Smeštaj

Ananta Burin (1 noć)

Hrana

Kontinentalni doručak × 1

Fakultativni izleti

Temple cave, Emerald pool i hot springs

Dan 12: Fakultativni izlet - 4 ostrva

Slobodan dan. Mogućnost fakultativnog cjelodnevnog izlet na 4 ostrva. Na ovom izletu posjećujemo Rilay beach, Chicken Island, Poda Island i Tub island. U središtu smo jedne od najegzotičnijih destinacija na Tajlandu, koja nosi taj epitet zahvaljujući lokaciji na kojoj se nalazi, bujnoj vegetaciji, netaknutim plažama i predivnom tirkiznom moru koje je okružuje. Uživamo u piknik ručku koji će nam biti poslužen na jednoj od plaža. Povratak u smještaj.

Smeštaj

Ananta Burin (1 noć)

Hrana

Kontinentalni doručak × 1

Fakultativni izleti

Četiri ostrva

Dan 13: Slobodan dan za uživanje na Krabiju

Slobodan dan koji možemo provesti na nekoj od obližnjih plaža koju nismo imali prilike da vidimo.

Smeštaj

Ananta Burin (1 noć)

Hrana

Kontinentalni doručak × 1

Dan 14: Dolazak na Phuket

Ujutru napuštamo smještaj i upućujemo se do naše posljednje destinacije – Puketa. Puket (Phuket) je najveće i najpoznatije tajlandsko ostrvo. Smješteni smo u mjestu Patong. Nesvakidašnji noćni život, scene kao iz najluđih filmova!

Prevoz

Transfer od Krabija do Phuketa

Smeštaj

Hotel Days Inn (1 noć)

Mesto

Phuket

Hrana

Kontinentalni doručak × 1

Dan 15: Fakultativno izlet do grada Phuketa

Slobodan dan ili mogućnost fakultativnog izleta do grada Phuketa (Phuket town). Stari grad je glavno obilježje grada Phuketa. U ovom dijelu grada mogu se vidjeti svetišta, hramovi (budistički i kineski), ukrašene i lijepo očuvane prodavnice, interesantni kafići i restorani, ali i razni muzeji, pa čak i mala ulica crvenih fenjera. S obzirom da je ostrvo Puket puno bogatih izvora kalaja, on je kroz istoriju bio veoma interesantan mnogim moreplovcima. Iz tog perioda ostale su impresivne kinesko – kolonijalne palate koje su podizali baroni kalaja prije više od 100 godina. Tu je i lokalni market koji ćemo posjetiti i na kojem će se naći za svakog po nešto. Povratak u Patong.

Smeštaj

Hotel Days Inn (1 noć)

Hrana

Kontinentalni doručak × 1

Fakultativni izleti

Obilazak grada Phuketa

Dan 16: Napuštanje smještaja i slobodno vrijeme do polaska

Napuštamo smještaj u priepodnevnim satima. Slobodno vrijeme za individualne aktivnosti do polaska za aerodrom. Kupujemo suvenire i spremamo se za odlazak iz zemlje osmijeha. Let za Beograd sa presjedanjem.

Prevoz

Transfer od smještaja do aerodroma

Avio karta sa svim taksama na relaciji Phuket - Beograd, u ekonomskoj klasi

Hrana

Kontinentalni doručak × 1

Dan 17: Povratak i kraj putovanja

Stižemo u Beograd nasmijani :) **Kraj putovanja!**

Mesto

Beograd

Cene i uslovi

Smještaj

Smeštaj u hotelima ** i ***

Šta je uključeno

- Kompletna organizacija i uslugu predstavnika agencije na destinacije
- Smještaj u dvokrevetnim sobama na bazi 3 noćenja sa doručkom (kontinentalni doručak) u hotelu 2*/3* po lokalnoj kategorizaciji u Bangkoku
- Smještaj u dvokrevetnim sobama na bazi 4 noćenja sa doručkom (kontinentalni doručak) u hotelu 2*/3* po lokalnoj kategorizaciji na Koh Phanganu
- Smještaj u dvokrevetnim sobama na bazi 5 noćenja sa doručkom (kontinentalni doručak) u hotelu 2*/3* po lokalnoj kategorizaciji na Krabiju
- Smještaj u dvokrevetnim sobama na bazi 2 noćenja sa doručkom (kontinentalni doručak) u hotelu 2*/3* po lokalnoj kategorizaciji na Phuketu
- Avio karta sa svim taksama na relaciji Beograd - Bangkok, u ekonomskoj klasi
- Avio karta sa svim taksama na relaciji Phuket - Beograd, u ekonomskoj klasi
- Avio kartu sa svim taksama na relaciji Bangkok – Suratani, u ekonomskoj klasi
- Svi transferi prema planu i programu puta
- Transfer od aerodroma do smještaja i od smještaja do aerodroma
- Svi transferi od aerodroma do smještaja, od smještaja do aerodroma i između gradova prema planu i programu puta

Regularna cena

2.580,00 BAM

First minute cijena

Važi za prijave do **16.12.2019. godine**

2.380,00 BAM

Nije uključeno

- Fakultativne izlete i ulaznice za kulturno historijske spomenike
- Viza za Tajland sa jednim ulaskom (180,00 KM sa uslugom viziranja)

Uslovi plaćanja: Prilikom prijavljivanja plaća se 400 KM. Ostatak sume plaća se u agenciji, u konvertibilnim markama, a najkasnije 6 sedmica pred put.

Prijavljivanje: Preporučujemo ranije prijave jer je broj mjesta ograničen. Prilikom prijave potrebno je dostaviti skeniranu prvu stranu pasoša, u suprotnom agencija ne snosi



Jungle Travel d.o.o.
Branilaca Sarajeva 20/I,
71000 Sarajevo

PIB: 4202134850007

MB:

Broj licence:

Tekući račun:

Telefon: 033 552-552

E-mail: kontakt@jungletribe.ba

Sajt: www.jungletribe.ba

odgovornost od štampanja avio karata sa pogrešnim imenom. Prijava je validna jedino uz uplatu avansa. Dokumenta za vize potrebno je dostaviti najkasnije mjesec dana pred put. Ukoliko putnici ne dostave dokumenta za vize u navedenom roku, dužni su da sami obezbijede vize za putovanje. Ukoliko putnici sami pribavljaju vize, dužni su da kopiju vize dostave do 15 dana pred put.

Fakultativni izleti

Obilazak Bangkoka (Bangkok City tour)

Cijena: 70,00 EUR

Na ovom izletu ćete imati priliku da vidite sve najbitnije i najljepše znamenitosti grada Bangkoka, a ovo je planirani itinerer: Polazak iz hotela u jutarnjim satima i transfer do Kraljevske palate (Grand Palace) i Hrama Smaragdnog Bude (Wat Phra Kaew). Kraljevska palata predstavlja najveću turističku atrakciju u Bangkoku. Kratka šetnja do sljedećeg lokaliteta - Hrama Ležećeg Bude (Wat Pho). Ovaj hram se nalazi odmah pored Kraljevske palate i jedan je od najstarijih i najvećih hramova u Bangkoku sa površinom od 8 hektara. Ovdje možete vidjeti preko 1000 prikaza Bude! Ipak, najveća atrakcija je statua „Ležećeg Bude“, po kojoj čitav kompleks i nosi naziv. Statua je duga 46 m, visoka 15 m i predstavlja Budu u stanju nirvane, na kraju svojih reinkarnacija. Wat Pho je također poznat po tradicionalnoj školi tajlandske masaže. Kratka šetnja do rijeke i prelazak brodićem na drugu stranu do Hrama Zore (Wat Arun). Ovaj hram je jedan od najpoznatijih simbola cijelog Tajlanda i često prati svako njegovo predstavljanje. Transfer do kuće Džim Tompsona. Ovaj muzejski kompleks se sastoji od 6 tradicionalnih kuća od tikovog drveta, čiji su dijelovi dovoženi iz različitih dijelova Tajlanda. Sve u ovom kompleksu je autentično i odiše duhom i tradicijom Tajlanda. Kućice su okružene baštom i bujnim neobičnim raslinjem, pa predstavljaju pravu oazu u centru Bangkoka. Povratak u hotel u popodnevnom satima.

Cijena izleta obuhvata:

- ulaznicu za Grand Palace i Wat Phra Kaew
- ulaznicu za Wat Pho
- ulaznicu za Wat Arun
- ulaznicu za Jim Tompson's house
- stručnog licenciranog vodiča na engleskom jeziku tokom cijelog izleta
- organizovan prevoz po predviđenom itinereru

*Za ovaj izlet je potrebno ponijeti garderobu prikladnu za ulazak i obilazak budističkog hrama.

Plutajuća pijaca i Maeklong Train Market

Cijena: 45,00 EUR

Polazak iz hotela u ranim jutarnjim satima. Stižemo na pijacu na pruži taman na vrijeme da vidimo kako voz kreće iz stanice i prolazi tačno kroz sredinu pijace. Prodavači užurbano podižu tende i sklanjaju sve što smeta vozu da prođe. Turisti i kupci se trčećim korakom pomjeraju kako bi šine ostale oslobođene za nesmetan prolazak voza. Čuje se glasna sirena kao signal i svi uzbuđeno stojimo i čekamo. Voz nailazi, mašemo putnicima iz voza, kao i oni nama. Čim ode voz, vraćamo se detaljnom razgledanju pijace i kupovini raznovrsnog voća, povrća, cvijeća, mesa i ribe. Ova linija saobraća svakodnevno po nekoliko puta na relaciji Meaklong – Banlaem, a sama vožnja traje oko 90 minuta. Polazak na plutajuću pijacu „Damnoen Saduak“. Iza ne tako poznatog naziva „Damnoen Saduak“ stoji jedna od najpoznatijih atrakcija Tajlanda – plutajuća pijaca. Na oko 100 km jugoistočno od Bangkoka nalazi se malo trgovačko mjesto ispresjecano kanalima izgrađenih još u XVIII vijeku. U duhu starih tajlandskih zemljoradnika, krećući se čamcem kroz zelenkastu vodu, polako se približavaju trgovci sa raznolikim ponudama. Starice sa slamnatim šeširima uz osjmech nude najrazličitija jela, poslastice i sokove od egzotičnog voća, na isti način kao i stotinama godina unazad. Nakon vožnje čamcem imaćemo malo slobodnog vremena da prošetamo i kopnеним dijelom pijace. Povratak u hotel u kasnim popodnevnom satima.

Cijena izleta obuhvata:

- stručnog licenciranog vodiča na engleskom jeziku
- organizovan prevoz po predviđenom itinereru
- vožnju čamcem
- ulaznice za sve lokalitete navedene u programu

Ostrvo Koh Tao i Nang Yuan

Cijena: 65,00 EUR

Ostrvo Tao ili Ostrvo kornjača pripada Chumphon arhipelagu i nalazi se u Tajlandskom zalivu. Poznato je kao stanište rijetkih vrsta kornjača i kao područje omiljeno među ronionicima zbog bogatog podvodnog svijeta i divnih koralaa. Ostrva Nang Juan su još jedan skriveni dragulj Tajlandskog zaliva. Tri mala ostrva su potpuno spojena pješčanim sprudovima koji čine trougao kada se posmatraju sa vidikovaca. Odluku ih čisto bijeli pijesak i prozirn voda mora, poznata po najboljem snorkingu u toj oblasti. Polazak na izlet u jutarnjim satima. Dolazak u luku, mali predah za užinu, piće i kafu dobrodošlice i ukrcavanje na speed boat. Pristajemo u blizini ostrva Tao i imamo slobodno vrijeme za snorkling. Nakon snorklinga dolazimo na ostrva Nang Yuan, imamo slobodno vrijeme za ručak, kupanje i penjanje na vidikovac iznad ostrva. Povratak u luku, a potom i u smještaj u popodnevnom satima.

Cijena izleta obuhvata:

- povratni transfer smještaj – luka – smještaj
- vožnja speed boat-om
- ručak bez konzumacije pića
- maske za snorkling i life jacket-i
- ulaznica u nacionalni park

Druženje sa slonovima

Cijena: 20,00 EUR

Transfer u jutarnjim satima do mjesta u džungli gdje se nalaze slonovi. Provodimo dan igrajući se sa slonovima. Hranit ćemo ih bananama i šećernom trskom, uživat ćemo u kratkom spektaklu slona bebe. Postoji opciona mogućnost jahanja slonova. Indokineski slon je jedna od 3 vrste slonova koje postoje danas u svijetu. Vrlo je uobičajeno da ih

sretnemo na Tajlandu, a za slonove važi da su jedna od najinteligentnijih vrsta životinja, da imaju veoma dobro pamćenje i da mogu pokazivati različite emocije (sreća, tuga, radost, igra...).

Cijena izleta obuhvata:

- organizovan prevoz po predviđenom itinereru
- jahanje slonova

Phi Phi ostrva (Koh Phi Phi)

Cijena: 55,00 EUR

Polazak u jutarnjim satima. Transfer do luke i ukrcavanje na brod. Stižemo na arhipelag ostrva Phi Phi, na kojima je sniman film „Plaža“. Obilazimo Maya zaliv (Maya bay), dragulj i simbol ovih ostrva i svraćamo da vidimo Pilej lagunu (Pileh lagoon), tj. mjesto odakle je Leonardo Dicaprio skočio u more u samom filmu. Dolazimo na Ostrvo bambusa (Bamboo island) i uživamo u kupanju i tirkiznom moru. Prolazimo pored Vikingške pećine (Viking cave) i slušamo priče o drevnim gusarima, stižemo na Monkey beach, gdje postoji mogućnost da hranimo majmune. Slobodno vrijeme za snorkling u prozirnoj vodi sa ribicama neobičnih boja. Pauza za ručak na Phi Phi Don-u (Phi Phi Don) i povratak u smještaj u popodnevnim satima.

Cijena izleta obuhvata:

- Povratni transfer do luke
- Vožnja brodom
- Ručak bez konzumacije pića
- Oprema za snorkling
- Ulaznica u nacionalni park Maya bay

Temple cave, Emerald pool i hot springs

Cijena: 40,00 EUR

Transfer do Temple cave-a (Wat Tham Suea) i avanturističko penjanje uz 1237 stepenika do vrha planine Kao Panom (Khao Phanom). Legenda kaže da je ovde nekada živio veliki tigar, čije je otiske šapa pronašao i monah Ajahn Jumnean, osnivač ovog hrama i predstavnik vipasana meditacije. Ovo mistično sveto mjesto okružuje gusta vegetacija, džungla i mnoštvo majmuna koji nam presreću put. Na samom vrhu se nalazi 99 metara visoka statua Bude i otisak stopala Bude. Slušamo priče o budizmu i kulturnom naslijeđu Tajlanda. Pred nama se pruža pogleda na cijelu provinciju Krabi. Nakon obilaska Temple cave-a vožnja do Smaragdno bazena (Emerald pool). Rezervat prirode Khao Phra Bang u svojoj dubokoj šumi krije najljepše slatkodvodno jezero na čitavom Krabiju. Pauza za ručak u nekom od lokalnih restorana. Za kraj ovog aktivnog dana ostavljamo prirodni spa – Vrele izvore (Hot springs). Priroda je kao iz bajke izvajala kaskade sa vulkanskom podlogom iz kojih bez prestanka izvire topla termalna voda (35-50°) koja je obogaćena solima i mineralima. Povratak u smještaj u popodnevnim satima.

Cijena izleta obuhvata:

- organizovan prevoz po predviđenom itinereru
- ulaznice na sva tri lokaliteta
- ručak bez konzumacije pića

*Za ovaj izlet je potrebno ponoketi: kupaći kostim, šešir/kapu, vodu, kremu za sunčanje, patike za penjanje i garderobu prikladnu za ulazak i obilazak budističkog hrama.

Četiri ostrva

Cijena: 40,00 EUR

U središtu smo jedne od najegzotičnijih destinacija na Tajlandu, koja nosi taj epitet zahvaljujući lokaciji na kojoj se nalazi, bujnoj vegetaciji, netaknutim plažama i predivnom tirkiznom moru koje je okružuje. Obilazimo ostrva koja se nalaze u neposrednoj blizini Krabija i omiljena su među posjetiocima ove regije.

Polazak u jutarnjim satima i dolazak na Koh Gai, ostrvo poznatije kao Pileće ostrvo (Chicken island) zbog svog interesantnog oblika. Uživamo u magičnom prelivanju zelene i plave boje mora. Potom krećemo ka ostrvima Poda i Tub, gdje ćemo imati kupanje i snorkling. Ostrvo Ko Poda je pješćanim sprudom spojeno sa ostrvcetom Ko Mor i ta staza se na tajlandskom naziva „Thaleh waek“, tj. „Odvojeno more“. Pauza za piknik ručak na jednom od ova dva ostrva. Nakon ručka odlazimo na kupanje do Pećine falusa (Phranang cave). Sakrivena među ostrim visokim stijenama i ušuškana na kraju plaže Railay, nalazi se Princezina pećina, tj. Pećina falusa, u kojoj su se još od davnina ribari poglanjali boginji Šiva, dok danas tu dolaze djevojke kako bi zaželjele sreću u ljubavi. Povratak u smještaj u popodnevnim satima.

Cijena izleta obuhvata:

- Povratni transfer do luke
- Vožnja brodom
- Piknik ručak
- Oprema za snorkling
- Ulaznica u nacionalni park

Obilazak grada Phuketa

Cijena: od 30,00 EUR do 50,00 EUR

Slobodan dan ili mogućnost fakultatativnog izleta grada Phuketa (Phuket town). Stari grad je glavno obilježje grada Phuketa. U ovom dijelu grada mogu se vidjeti svetišta, hramovi (budistički i kineski), ukrašene i lijepo očuvane prodavnice, interesantni kafići i restorani, ali i razni muzeji, pa čak i mala ulica crvenih fenjera. S obzirom da je ostrvo Phuket puno bogatih izvora kalaja, on je kroz historiju bio veoma interesantan mnogim moreplovcima. Iz tog perioda ostale su impresivne kinesko – kolonijalne palate koje su podizali baroni kalaja prije više od 100 godina. Tu je i lokalni market koji ćemo posjetiti i na kojem će se naći za svakoga po nešto.

Smeštaj



Jungle Travel d.o.o.
Branilaca Sarajeva 20/I,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

Trang Hotel ***

Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.

Trang Hotel se nalazi u starom dijelu Bangkoka u neposrednoj blizini čuvene Khaosan ulice. Hotel posjeduje i bazen. Sve sobe su klimatizovane, posjeduju mini bar i T/WC. Usluga je na bazi noćenja sa doručkom.

Sajt

<https://www.tranghotelbangkok.com/en-us>

Haad Yao Bayview Resort and Spa ***

Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.

Haad Yao Bayview Resort and Spa 3* je hotel koji se nalazi na jednoj od najljepših plaža na ostrvu Phangan (Haad Yao). Hotel posjeduje otvoreni bazen i spa centar. Sve sobe su klimatizovane, posjeduju mini bar i T/WC. Usluga je na bazi noćenja sa doručkom.

Sajt

<http://www.haadyao-bayviewresort.com/>

Ananta Burin ****

Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.

Nalazi se na pet minuta hoda od plaže Ao Nang na Krabiju, koja obiluje bijelim pijeskom i kristalno čistom vodom Andamanskog mora. Hotel raspolaže sa dva bazena. Jedan je namjenjen onima koji žele da uživaju u miru i tišini, a drugi je pravi vodeni park sa dva tobogana.

Sajt

<https://www.anantaburinresort.com/>

Hotel Days Inn ***

Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.

Hotel Days Inn - Ovaj hotel lociran je u samom srcu Patonga, na samo 5 minuta hoda od plaže. Sobe su dvokrevetne, klimatizovane, posjeduju mini bar i T/WC. Usluga je na bazi noćenja sa doručkom.

Sajt

<http://www.daysinnpatongbeach.com/>

Prevoz

Avion

Putnički avion (linijski *putnički avion* ili komercijalni transportni avion) veliki je avion prvenstveno namijenjen komercijalnom prevozu putnika i tereta.

Lokalni transfer

Kombi prevoz je prevozno sredstvo za manje grupe putnika, najčešće do 15 ljudi.

Brod

Brod je prevozno sredstvo koje se koristi na rijekama i morima.

Mesta

Beograd

Beograd je glavni grad Republike Srbije. U urbanom dijelu grada živi 1,23 miliona, a unutar administrativne teritorije grada gotovo 1,7 miliona stanovnika. Beograd je grad veoma burne historije i jedan od najstarijih urbanih cjelina u Europi. Njegova historija traje punih 7000 godina.

Bangkok

Bangkok je glavni i najveći grad Kraljevine Tajland i jedan od najvećih gradova Jugoistočne Azije. Nalazi se u Centralnoj regiji Tajlanda. Tajlandani Bangkok skraćeno zovu Krungtep, što u prevodu znači "Grad anđela", dok je svuda u svijetu poznato internacionalno ime Bangkok.

Ostrvo Phangan (Koh Phangan)

Ostrvo Phangan (Koh Phangan) je ostrvo koje se nalazi u Tajlandskom zalivu, u neposrednoj blizini veoma poznatog ostrva Koh Samui. Ostrvo je bogato preluhepim plažama i bujnom vegetacijom. Ovo ostrvo je najpoznatije po Full Moon Party-ju, žurci koja se organizuje svakog mjeseca u noći punog mjeseca, i po žurci Half Moon Party.

Krabi

Krabi je grad smješten na zapadnoj obali južnog Tajlanda, na ušću rijeke Krabi u zaljevu Phangnga. U Krabiju živi oko 25 000 stanovnika. Ovo je jedan od centara industrije i turizma Tajlanda. U blizini Krabija se nalazi oko 200 otoka, a mnogima od njih se može pristupiti samo s mora. Neka od njih su potpuno nenaseljena, a karakteriziraju ih plaže sa bijelim pijeskom, koraljni grebeni i sistemi pećina. I sam grad Krabi nudi brojne atrakcije. Čine ga zanimljiva arhitektura, veseli i užurbani ljudi, brojni stranci, i mnogo drugog.

Phuket

Phuket je najveće ostrvo Tajlanda i nalazi se u Andamanskom moru. Preljepe pješčane plaže sa bijelim pijeskom i kristalna tirkizna boja vode, pruža vam osjećaj kao da se



Jungle Travel d.o.o.
Branilaca Sarajeva 20/I,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

nalazite u raju. Svjetski lanci hotela prevladavaju ostrvom i svake godine sve više turista iz cijelog svijeta željnih luksuza za malo novca dolaze na ovo ostrvo.

Korisne informacije

Tajland

OPŠTE INFORMACIJE

Tajland, službeno Kraljevina Tajland, je država u jugoistočnoj Aziji. Na jugozapadu izlazi na **Andamansko more** (dio Indijskog okeana), a na jugoistoku na **Tajlandski zaliv** (dio Južnog kineskog mora). Graniči se sa **Mjanmarom**, **Laosom**, **Kambodžom** i **Malezijom**. Tajland je zemlja **ostrva**, **egzotičnih plaža**, **kristalnog mora**, **noćnog provoda**, **budizma**, **magije** i **avanture**.

Iako mnogi smatraju Tajland otokom, on je zapravo **kopnena država** koja ima izlaz na more, ali joj pripada više od 1400 otoka, među kojima su najpoznatija **Phuket**, **Koh Samui**, **Koh Pangan**, i **Krabi**. Osmijeh i gostoprimstvo Tajlandana čekaju vas na svakom koraku. Kupanje, masaže, bijeli pijesak, tirkizno, toplo more i izletni do obližnjih ostrva učinit će da se osjećate kao u raju.

- **Površina:** 513.120 km²
- **Broj stanovnika:** 69 miliona
- **Glavni grad:** Bangkok
- **Zvanični jezik:** tajlandski; engleski se koristi kao drugi jezik
- **Vremenska zona:** UTC +7

VIZA

Za državljane **Bosne i Hercegovine** neophodna je **turistička viza** za posjetu Tajlandu. Može se dobiti unaprijed putem ambasade u Budimpešti ili online kao e-viza. Za više informacija kontaktirajte nas putem maila kontakt@jungletribe.ba

KLIMA

Tajland ima **tropsku monsunsku klimu**. **Kišna sezona** traje od **maja do oktobra**, dok je **suha sezona** u periodu od **novembra do aprila**. Temperature su ljetne tokom cijele godine, između 20°C i 38°C. **Suha sezona** (novembar - maj) je idealna za putovanje.

HRANA I PIĆE

Tajlandska kuhinja je **vrlo raznovrsna** i spada među najbolje na svijetu. Ovdje dominiraju **riža**, **riba**, **nudle**, **piletina**, **voće** i **povrće**. Posebno popularno jelo je **Pad Thai**, koje sadrži rižine nudle s povrćem i mesom. Ulična hrana je vrlo ukusna i povoljna.

Obavezno je piti **flaširanu vodu**, a svježije **voće** i cijedeni **voćni sokovi** su dostupni na svakom koraku.

ZDRAVSTVENA SITUACIJA

Vakcinacija nije obavezna, ali je preporučljivo da se putnici raspitaju kod **Instituta za tropske bolesti**. Preporučuje se da ponesete **probiotike** i osnovne lijekove. Komarci su prisutni, pa je korisno imati sredstvo protiv komaraca poput **Autana**.

- **Bumrungrad International Hospital** u Bangkoku (tel. +662 667 1000)
- **Phuket International Hospital** (+6676249-400)

OSIGURANJE

Osiguranje nije obavezno uzeti u agenciji, ali se preporučuje. Ukoliko putno osiguranje uzimate kod drugih osiguravajućih kuća potrebno je da uzmete osiguranje koje pokriva do 30.000 EUR.

SIGURNOST I BEZBJEDNOST

Tajland je generalno **sigurna destinacija**, ali je preporučljivo biti oprezan. Čuvajte lične dokumente i novac, izbjegavajte kasne noćne šetnje sami **ne koristite drogu, jer je strogo zabranjena zakonom**.

ODJEĆA

Ponesite **laganu garderobu** zbog visokih temperatura. Kod posjeta hramovima potrebno je **pokrivanje nogu i ramena**. Usluge pranja odjeće su vrlo povoljne.

NOVAC

Zvanična valuta je **tajlandski baht (THB)**. Odnos eura prema batu je oko **1 EUR = 36 THB**, dok je za dolar **1 USD = 33 THB**. Korištenje bankomata je široko rasprostranjeno, ali ima proviziju od oko 6 EUR po transakciji. Preporučuje se korištenje **gotovine**, a kartice se mogu koristiti uz prethodnu najavu banci.

KOMUNIKACIJA

Naše mobilne mreže funkcionišu na Tajlandu, a lokalne **SIM kartice** su lako dostupne. **WiFi** je prisutan u svim smještajima i restoranima. Također ukoliko vaš mobilni telefon podržava E-SIM, vrlo lako možete kupiti E-SIM preko aplikacija poput **AIRALO** aplikacije.

PREPORUKA

Posjetite neki od mnogih **spa centara** ili pohađajte kurs **meditacije**. Tajlandska masaža je također vrlo popularna i možete je pronaći po povoljnim cijenama.

Važne napomene

Opšte napomene:

- Organizator putovanja je JUNGLE TRAVEL sa licencom OTP 266/2010.
- Prilikom prijave potrebno je dostaviti kopiju pasoša/podatke pasoša sa kojim će putnik putovati na samo putovanje. Obavezno je da putnik provjeri trajanje i ispravnost

putnog dokumenta, kao i broj slobodnih stranica potrebnih za putovanje.

- Svi pasoši moraju imati rok važenja minimum 180 dana (6 mjeseci) od dana povratka u zemlju.
- Organizator putovanja zadržava pravo promjena pojedinih sadržaja u programu usljed vanrednih okolnosti i stvari koje agencija ne može predvidjeti, u vrijeme zaključenja ugovora.
- Organizator putovanja nije ovlašten i ne cijeni valjanost putnih i drugih isprava.
- Za sve informacije date usmenim putem agencija ne snosi odgovornost.
- Potpisnik Ugovora o putovanju ili predstavnik grupe putnika obavezan je da sve putnike upozna sa ugovorenim programom putovanja, uslovima plaćanja i viziranja i OPŠTIM USLOVIMA PUTOVANJA JUNGLE TRAVEL-a.
- Putnici su dužni da dva dana pred put provjere tačno vrijeme i mjesto polaska grupe.
- Putnik je dužan da se sam upozna sa pravilima ponašanja zemlje u koju putuje i da poštuje važeće zakonske carinske propise.
- U prevoznim sredstvima je najstrožije zabranjeno pušenje, konzumiranje alkohola i opojnih sredstava.
- Putnici su dužni da, u autobusu i drugim prevoznim sredstvima kojima se vrši transfer, ostanu na svojim mjestima, i ne smiju ih napuštati na mjestima koja nisu predviđena za pauze (granice, check point stanice, naplatne rampe itd). U slučaju da putnik napusti vozilo bez prethodnog dogovora sa predstavnikom agencije, sam snosi sve eventualne troškove i posljedice.
- Putnik koji svojim neadekvatnim ponašanjem uznemirava druge putnike ili ometa vozače i pratioca u poslu, bit će odmah isključen sa putovanja i sva odgovornost prelazi na njega bez prava na žalbu i povrat novca.
- Putnik je dužan da poštuje satnicu određenu od strane predstavnika agencije na putovanju, u suprotnom predstavnik agencije ima pravo da putnika isključi sa putovanja.
- U turističkim autobusima nije moguća upotreba toaleta; u skladu sa planom i programom puta pauze se prave na 3-4 sata (u zavisnosti od lokacije i opremljenosti benzinske stanice) koje putnici mogu iskoristiti za upotrebu toaleta.
- Agencija određuje raspored sjedenja, mjesto polaska, mjesta za pauzu i dužinu iste; uplatom prevoza, putnik prihvata sve gore navedeno, bez prava na prigovor i žalbu.
- Aranžman je rađen na bazi od minimum 10 putnika za daleka putovanja i 50 putnika za evropska putovanja.
- U slučaju nedovoljnog broja putnika za realizaciju aranžmana ili drugih objektivnih okolnosti, organizator putovanja obavještava putnike o otkazu aranžmana najkasnije 10 dana prije datuma polaska za daleka putovanja i 5 dana prije datuma polaska za evropska putovanja.
- Kod aranžmana koji uključuju prevoz avionom, nakon kupovine aviokarata nemoguće je refundiranje istih i u tom slučaju važe uslovi avio kompanija.
- Kod aranžmana koji uključuju prevoz low cost avio kompanija, u slučaju odlaganja leta, otkaza ili gubitka konekcije putnici su dužni da sami plate novonastale troškove i agencija ne može da utiče na okolnosti koje su van njenog dometa.
- Cijene low cost aranžmana podložne su promjenama i po uplati avansa se provjeravaju tarife i putniku se potvrđuje cijena aranžmana.
- Agencija ne snosi odgovornost usljed promjena aviokonekcija od strane aviokompanije.
- Satnice letova navedene u planu i programu ili dobijene od strane agencije podložne su promjeni i isključivo zavise od aviokompanije.
- Agencija zadržava pravo odabira prevoznog sredstva za transfere i vrši ih do smještaja ukoliko je to fizički moguće.
- Za sve ponuđene ili dostupne opcione doplate u vezi sa planom i programom puta ili smještajem, potrebno je izjasniti se prilikom prijave za putovanje.
- Ukoliko neki putnik sam odluči da promijeni dio plana i programa puta, agencija nema odgovornost da tom putniku obezbijedi transfer/raniji ili kasniji check in ili check out u smještaj/drugačija noćenja u smještajima, od onoga što je predviđeno planom i programom puta.
- Maloljetni putnici prilikom putovanja moraju imati ovjerenu saglasnost roditelja.
- Zbog poštovanja satnica predviđenih programom putovanja, kao i poštovanja vremena ostalih putnika iz grupe, ne postoji mogućnost zadržavanja na granici koja predstavlja izlazak iz Evropske Unije, radi ovjere računa i povrata poreza iz Evropske Unije (TAX FREE)
- Naša preporuka je da povedete računa na Vašem putovanju o ličnim dokumentima i novcu.
- Za ovaj aranžman primjenjuju se OPŠTI USLOVI PUTOVANJA uskladjeni sa UTABIH standardom.

Napomene u vezi sa smještajem:

- Organizator putovanja, JUNGLE TRAVEL, zadržava pravo rasporeda po sobama, u skladu sa strukturom soba smještajnog objekta; ukoliko postoji mogućnost, agencija se trudi da izađe u susret željama putnika (molimo Vas za razumijevanje, budući da je ovo putovanje zamišljeno kao dobra zabava i avantura).
- U smještajne objekte se ulazi prvog dana boravka u skladu sa pravilima tog smještajnog objekta. Najčešće je check-in u popodnevni satima (14h ili 15h), a check-out je posljednjeg dana boravka najčešće do 10h ili 11h.
- Opisi smještajnih objekata su informativnog karaktera.
- Neki od dopunskih sadržaja smještajnih objekata su dostupni uz doplatu. Postoji mogućnost odstupanja i promjena oko dostupnosti nekih sadržaja, jer isključivo zavise od smještajnih objekata (npr. sef, parking, mini-bar, TV, klima uređaj...)
- Putnik je dužan da poštuje pravila smještajnog objekta i sam snosi odgovornost usljed sankcionisanja od strane osoblja smještajnog objekta.
- U nekim smještajima Azije, Afrike i Latinske Amerike nema vruće vode.
- Smještajni kapaciteti vrše smještaj putnika i određuju raspored i tip soba prema svojoj raspoloživosti u datom trenutku. Agencija nije u mogućnosti da klijentima potvrdi da li će kreveti biti twin (razdvojeni) ili double (veliki francuski ležaj), kao ni spratnost u samom smještaju, osim ukoliko to nije posebno naznačeno Ugovorom. Klijent je uplatom aranžmana saglasan sa tom činjenicom i uslovima smještaja bez prava na žalbu.
- Putnici koji putuju sami u nekim programima imaju mogućnost da uz doplatu budu sami u jednokrevetnoj sobi. Ukoliko putnik želi da se spoji sa nekim drugim putnikom iz grupe i ne želi da plaća doplatu, prihvata da se spoji sa bilo kojom osobom iz grupe, bez obzira na godine i pol saputnika. U tim situacijama, agencija apsolutno ne odgovara za bilo kakve eventualne neprijatnosti ili neslaganja koje putnici mogu da imaju na putu.

Napomene u vezi sa fakultativnim izletima:

- Fakultativni izleti nisu obavezni dio putovanja.
- Termini i cijene fakultativnih izleta su promjenljivi i zavise od slobodnih termina po lokalitetima, broja prijavljenih putnika i objektivnih okolnosti.
- Fakultativni izleti se realizuju od strane lokalnih agencija i Jungle Travel nije u mogućnosti da utiče na stvari Van dometa agencije vezane za samu realizaciju izleta.
- Fakultativne izlete vode lokalni vodiči na samim lokalitetima na engleskom jeziku. Uplatom izleta putnik prihvata sve uslove lokalne agencije bez prava na žalbu.
- Agencija ne može uticati na dužinu trajanja putovanja do lokaliteta, vremena polaska, povratka ili obilazaka kao ni stručnost lokalnih vodiča.
- Prilikom uplate fakultativnog izleta, putnik prihvata uslove lokalne agencije, organizatora fakultativnog izleta, i dužan je da o uslovima obavijesti saputnike za koje uplaćuje izlet. Bilo kakve naknadne izmjene, promjene i odustajanja od izleta nakon uplate, nisu moguća, niti je moguće u bilo kojim okolnostima refundirati uplaćeni novac.
- Molimo sve putnike da se prije uplate fakultativnog izleta upoznajaju sa predviđenim itinerarom i uslovima fakultativnog izleta.



Jungle Travel d.o.o.

Branilaca Sarajeva 20/I,
71000 Sarajevo

PIB: 4202134850007

MB:

Broj licence:

Tekući račun:

Telefon: 033 552-552

E-mail: kontakt@jungletribe.ba

Sajt: www.jungletribe.ba

Napomene u vezi sa vizama:

- Putnici su u obavezi da se upoznaju sa viznim režimom države u koju putuju.
- Pojedine ambasade zahtjevaju lično prisustvo putnika prilikom viziranja i putnici su dužni da pravila ambasade ispoštuju.
- Putnici su dužni da dokumenta za viziranje dostave najkasnije mjesec dana prije putovanja, a ukoliko ih ne dostave u navedenom roku, dužni su da sami obezbijede vize za putovanje.
- Putnici koji ne posjeduju nove biometrijske pasoše BiH dužni su da se sami upoznaju sa viznim režimom države u koju putuju i da sami obezbijede vize za putovanje.
- Agencija ne garantuje dobijanje vize i nije ovlaštena da utvrđuje validnost dokumenata.
- U slučaju nedobijanja vize agencija ne snosi odgovornost.